

Mosebetsimmoho ya Ratehang

Re se re batla re le mafelong a 2023. E bile selemo se nang le diphephetso empa se atlehileng bakeng sa Letlole. Re kgotsofetse hore re entse dikgatelopele tse ngata mme ra fihlela boholo ba maikemisetso a bohlokwa ao re ipehetseng ona qalong ya selemo. Sepheo sa rona se seholo selemong sena e ne e le ho ntlafatsa melemo ya Letlole - haholoholo melemo ya kotsi (Funeral, Permanent & Total Disability (PTD) & Group Life Assurance (GLA); ho lekola le ho fokotsa ditjeho tsa tsamaiso ya kgwebo ya Letlole ho ntlafatsa le ho rala metjha ya tshebetso ka hara Letlole ka kakaretso, ho etsa bonnete hore ditho hammoho le bankakarolo kaofela ba Letlole ba na le boiphihlelo bo ikgethang empa sa bohlokwahadi, ha ba sebitsana le Letlole. Ho ile ha kenngwa tshebetsong merero e fapaneng mabapi le sena:

1. HO AMA MAPHELO KA MOHATO WA LETLOLE WA CORPORATE SOCIAL INVESTMENT (CSI)

Mathwasong a 2023, Letlole le ile la etsa phapang ho baahi ka ho fapana ka ho nehelana ka dijenerethara le ditanka tsa metsi dikolong le ditleliniking tsa setjhaba ho ba fa phomolo mathateng a timatima le hore ba kgone ho boloka metsi. Disebediswa tsena ho fanwa ka tsona ka tsela e se nang leeme dibakeng tse tlwaellehileng tsa Letlole, mme ho ile ha buisanwa le Dikomiti tsohle tsa Boelets'i tsa Lebatowa (RACs) mabatoweng a 7 le ho ameha kgethong ya dikolo le ditleliniki tse tshwanetseng.

2. HO FANA KA DITATEMENTE TSA MELEMO YA SETHO TSA 2022

Ho fana ka Ditatemente tsa Melemo ya Ditho tsa 2021 ka nako, e bile phephetso Letloleng. Re buisane ka diphephetso tsena ka botebo. Ka hona, Letlole le bile le monyetla wa ho lekola le ho ntlafatsa tsamaiso ya ho romelwa ha Ditatemente tsa Melemo tsa 2022 mme re ile ra atleha – di romelwa ditho pele ho nako e neng e lebelletswe. Ana ke maemo ao Letlole le batlang ho tswela pele ka ona jwalokaha le bolela hore phano ya ditshebeletso ke ya bohlokwa ho seo re se etsang le ho ntlafatsa boiphihlelo ba tshebeletso ho Setho ka kakaretso.

3. LIFE STAGE INVESTMENT MODEL

Ka Phato re entse tsebiso ka Life Stage Investment Model, se bolelang dipoloko tsa Setho tsa ho beha mejafatshe di tla tsetelwa ho diportfolio tsa Mantlha le ho Tsamaisana le Mebaraka ho fihla dilemong tse 5 pele ho dilemo tsa ho beha mejafatshe. Ka mora moo, dipoloko tsa hao di tla kenngwa ho portfolio ya ho

lokisetsa nako ya ho beha mejafatshe. Sena ha se eso kenngwe tshebetsong empa tebello ke hore se tla etsahala haufinyane. Ho tla etswa tsebiso ha nako e fihla ka letsatsi leo e tlang ho qala ka lona.

4. DINTLAFATSO TSA MELEMO YA KOTSI

Letlole le sa tswa ntlafatsa melemo ena ya kotsi:

- Melemo ya Lepato: ho tloha ka la 1 Pudungwana 2023, tjehele ya melemo ya lepato e eketsehile ho tloha ho R50 000 ho ya ho R60 000 ho monga pholisi, ba/molekane wa hae le bana.
- Melemo ya GLA & PTD: Letlole le kgonne ho buisana ka ho fokotsa di diporemiame melemong ena ya kotsi. Ho fokotswa hona ho tla etsa hore Ditho di bone melemo o motle Tjheleteng ya bona e Letloleng, ka lebaka la tjehele eo ba tlang ho ba le yona ka diporemiame tse fokoditsweng ka kakaretso.

Re tla tswelapele ho batla ditsela tse ntjha le tse bolokang ditjeho tsa ho sebeletsa Ditho tsa rona hantle ho ya nakong e tlang le ho tswelapele ho tsepamisa maikutlo ho theheng dipoelo tse tsitsitseng tsa matsete. Jwalokaha ho se ho boletswe, re rata ho o leboha ka tshehetso ya hao e sa thekeseleng. Re tshepa hore 2024 e tla ba selemo se atlehileng moo re tlang ho tswelapele ho hola hammoho.

Wena hammoho le ba lelapa la hao re le lakaletsa matsatsi a phomolo ya Keresemese a bolokehileng hammoho le mahlohonolo a selemo selemo se setjha.

Ka boikokobetso

Frans Phakgadi

PO le Mohlanka e Moholo wa Phethahatso wa Nakwana

HO KWALA BAKENG SA MATSATSI A PHOMOLO

Ka kopo hlokomela hore Letlole ho kenyeletswa le Ntlokgolo, Ditsi Tsa Walk-in hammoho le dikantoro tsa EBS, di tla kwala ka hora ya **12h00** ka la **22 Tshitwe 2023** le ho bulwa ka la **3 Pherekong 2024**.

MWPF E O LAKALETSA MATSATSI A MONATE A PHOMOLO YA KERSEMESE.

Re lebelletse ka thahasello e kgolo ho sebetsa le wena ka 2024.



Re na le mekgwa e fapaneng ho etsa bonnete hore o fumane tshehetso o e hloakang. O ka nna wa ikopanya le rona le ha e le ka o mong wa mekgwa e latelang:

 **010 100 3001**

 **086 661 9532**

 **www.mwpcf.co.za**

 **clientservices@mineworkers.co.za**

 **mineworks_pf**

 **mineworkers_pf**

 **mineworker_pf**

 **071 881 6515**

Boipolelo ba ho se jare boikarabello: Tsebiso eo ho fanweng ka yona ngolotabeng ena e sireleditswe ka melao e amehang ya intellectual property mme e ke ke ya kopiswa, ya ajwa kapa ya fetolelwa ka mabaka a ho etsa kgwebo. Le ha ho entswe matsapa a ho netefatsa hore tsebiso e kentsweng mona e kgema le dinako, ha e na le leeme ebile e nepahetse, hona ho ke ke ha tiisetwa. Tshebediso ya leledi lena ke motho wa boraro e tla ba qetong ya motho wa boraro mme ke lebitsong la bonnete ba ditaba tsena feela. O koptjwa ho ela hloko hore haeba dikahare tsa ngolotaba ena ha di dumellane le Melao ya Letlole, ho tla latelwa Melao. MWPF ha e amohele.